



Fylkeseldrerådet i Hordaland

Att. Merethe Helland Nordnæs



Vår ref.: 2017/16712-63

Dykkar ref.:

Bergen, 30.10.2018

Ruteendringar hausten 2018

Viser til brev av 19. september 2019 med innspel knytt til ruteendringar i Nordhordland og ønskje om orientering frå Skyss.

Det er i hovudsak i samband med inngåing av nye kontraktar at Skyss som oppdragsgjevar har handlingsrom til å gjere omfattande endringar i rutetilbodet. Hausten 2018 var det oppstart av ny kontrakt for busskøyning i Nordhordland. I denne samanhengen blei busstilbodet i Nordhordland og mellom Nordhordland og Bergen lagt om, i tråd med føringar gitt i Trafikkplan Nordhordland, som blei vedtatt av fylkesutvalet 16.11.2016. Trafikkplan Nordhordland er tilgjengeleg her: www.skyss.no/rapportar.

Skyss har også høve til å gjere endringar og justeringar i inneverande kontraktar. Skyss ønskjer å gjere kollektivtilbodet mest mogleg føreseieleg for dei reisande, med eit fast endringstidspunkt kvart år. I Hordaland skjer dei årlege endringane ved oppstart av haustrutene i august.

For å kome i møte fylkeseldrerådet sitt ønskje om meir informasjon foreslår Skyss at det etablerast ein praksis der Skyss stiller i møte med fylkeseldrerådet for å orientere om relevante saker og ruteendringar ein gong årleg.

Gje oss ei tilbakemelding om dette høyrast ut som ei tenleg løysing.

Med vennleg helsing,
Målfrid Vik Sønstabø
Kst. direktør

Gudrun Einbu
konst. Leiar avdeling trafikktilbod

Brevet er godkjent elektronisk og har derfor ingen underskrift.